



კომპანიის სიახლეები
ჩვენი თანამშრომლები
ღონისძიებები

თყიბულის აგებენ
იმერეთის სიახლეები
სკორტი

გუგუხსუ



**„საქნახშირის სკორტული და
გასართობი ღონისძიებები“ ჭადრაკის
შიდა ჩემპიონატით გაიხსნა!**

83. 3



83. 2

**„საქნახშირში“
საკონსულტაციო
საბჭოს შემაჯამებელი
შეხვედრა გაიმართა**



83. 6

**თყიბულში საქართველოს
დამოუკიდებლობის
ღღე მრავალფეროვანი
ღონისძიებებით აღინიშნა!**



83. 10

**ქუთაისში
480 დევნილ ოჯახს
ბინები გადაეცა**



„საქნახშირი“ საქონსულტაციო საბჭოს შემავალი კომიტეტები

სელიძე (წარმოების კომიტეტში), როსტომ ქუთათელაძე (საბიუჯეტო კომიტეტში) და გელა უკლება (ინფრასტრუქტურის კომიტეტში).

გარდა ამისა, განიხილეს მოპოვების გეგმების შესრულების მიმდინარეობა, გასული 5 თვის განმავლობაში არსებული დარღვევების სტატისტიკა, ცენტრალური გამამდიდრებელი ფაბრიკის თანამშრომლების ანაზღაურების სისტემის საკითხი და შრომის უსაფრთხოების მიმართულებით განხორციელებული ცვლილებები.

კორპორატიული შეჯიბრის სისტემა

სხდომაზე ცნობილი გახდა, რომ 2023 წლის ივნისიდან, 2 თვიანი სატესტო რეჟიმით, კორპორატიული შეჯიბრის სისტემა ამოქმედდება. თავდაპირველად, საერთო სპეციფიკის მქონე უბნები დაჯგუფდებიან. კონკრეტულად კი, შემდეგი უბნები:

- I ნახშირმოპოვებელი უბანი
- II ნახშირმოპოვებელი უბანი
- IV ნახშირმოპოვებელი უბანი
- VI ნახშირმოპოვებელი უბანი

საქართველოს პროფკავშირების გაერთიანებას.

ვენტილაცია და ტექნიკური ზედამხედველობა

ბოლო პერიოდში, ვენტილაციისა და ტექნიკური უსაფრთხოების ზედამხედველობის სამსახურის თანამშრომლების მოვალეობები გაიზარდა - მათ ტექნიკური საკითხებისა და ფეთქითი სამუშაოების სრული ზედამხედველობა და კონტროლი დაევალით. დარღვევის გამოვლენაზე ახდენენ შესაბამის რეაგირებას და აკეთებენ მიწერილობებს. უნდა აღინიშნოს, რომ ზოგადი სიტუაცია უკეთესობისკენ შეიცვალა.

ამ მიმართულებით, უბნის მუშაკთა საქმიანობის მეტი სტიმულირებისათვის, მომზადდა დებულება, რომელიც წარმოდგენილია დასამტკიცებლად. ის ითვალისწინებს დანამატების გაცემას გამოვლენილი დარღვევების რაოდენობისა და ხარისხის მიხედვით. ვენტილაციისა და ტექნიკური უსაფრთხოების ზედამხედველობის უბნის თანამშრომელთა ნახალისება არ იქნება მიზმული სხვა უბნების სახელფასო (საპრემიო) ფონდზე.

ცენტრალური გამამდიდრებელი ფაბრიკის შრომის ანაზღაურების ცვლილება

საბჭოს წევრებმა იმსჯელეს გამამდიდრებელი ფაბრიკის, ე.წ. „ცოფის“ თანამშრომლების შრომის ნახალისების შესახებ. გადაწყდა, რომ ფაბრიკაში დასაქმებულების შრომის სტიმულირე-

ბის მიზნით, შემუშავდება დებულება, რომლითაც გათვალისწინებული იქნება დანამატების გაცემა მათზე მიცემული პარამეტრების გადაჭარბებით შესრულების შემთხვევაში. დებულება ძალაშია 1 ივნისიდან.

გარდა ამისა, საბჭოზე განხილული იყო სამუშაო საათების ცვლილება. კერძოდ, მთავრობის დადგენილებით, სამთროპოვებითი დარგის წარმომადგენლებისთვის სამუშაო საათების რაოდენობა კვირაში 48 საათიდან 40 საათამდე შემცირდა. აღნიშნული საკითხი დაახლოებით 230-მდე თანამშრომელს ეხება და საწარმოს მენეჯმენტი, დასაქმებულებთან შეთანხმებით, აქტიურად მუშაობს მათი სამუშაო რეჟიმების შესაძლო ცვლილებაზე (რათა დასაქმებულებს არ მოუწიოთ კვირაში 40 საათზე მეტი მუშაობა). თავის მხრივ, ეს ცვლილება დამატებითი კადრების მოძიებას და მათ შესაბამისად გადანაწილებას გულისხმობს.

დღის წესრიგში იდგა გაცდენებისა და დარღვევების საკითხები. უკანასკნელი თვეების მონაცემებით, გაცდენილი დღეების რაოდენობამ 3700 დღე შეადგინა, ბოლო 4 თვის განმავლობაში კი, 384 ბიულეტენი გაიცა. აღნიშნული მონაცემები მნიშვნელოვნად აფერხებს საწარმოს გამართულ მუშაობას. ამ საკითხით დაინტერესდნენ პროფკავშირების წარმომადგენლებიც, რომლებიც აღნიშნული პროცესის მონიტორინგში ჩართულებიან და გამომწვევ მიზეზებს დეტალურად შეისწავლიან.

19 მაისს „საქნახშირი“ საკონსულტაციო საბჭოს სხდომა გაიმართა, რომელსაც მასში შემავალი კომიტეტების წარმომადგენლებთან ერთად, პროფკავშირის ხელმძღვანელებიც ესწრებოდნენ.

პირველი საკითხი, რომელიც განიხილეს, საკონსულტაციო საბჭოს კომიტეტის წევრების ცვლილება იყო. აღინიშნა, რომ საკადრო გადაადგილებებისა და ცალკეული თანამშრომლების სამსახურიდან გათავისუფლების გამო, კომიტეტებს ახალი წევრები დაემატნენ, კერძოდ: კობა შარვაძე (შრომის უსაფრთხოების კომიტეტში), გიორგი კერუ-



სიახლე „უნისონის“ საღაფქუმო გოგსახუნებში



მიმდინარე წლის აპრილიდან, ქუთაისში, კლინიკა LG-ში სადაზღვევო კომპანია „უნისონის“ ოჯახის ექიმის კაბინეტი გაიხსნა, სადაც „საქნახშირი“ დასაქმებულებს კონსულტაციას ექიმი ნინო კილაძე გაუწევს.

აღნიშნულ კლინიკაში მისვლამდე, „საქნახშირი“ დასაქმებულმა უნდა დარეკოს სადაზღვევო კომპანია „უნისონის“ ცხელ ხაზზე (ტელ: 032 2991 991) და დაჯავშნოს LG-ს ოჯახის ექიმთან ვიზიტი. კონსულტაციის შემდეგ, ოჯახის ექიმი გასცემს შესაბამისი ამბულატორიული მომსახურებისა და მედიკამენტების მიმართვას.

კლინიკა LG - ს ოჯახის ექიმის სამუშაო გრაფიკი:

- ორშაბათი - 9.30 სთ-დან 14.00 სთ-მდე
- სამშაბათი - 9.30 სთ-დან 15.00 სთ-მდე
- ოთხშაბათი - 9.30 სთ-დან 17.00 სთ-მდე
- ხუთშაბათი - 9.30 სთ-დან 15.00 სთ-მდე
- პარასკევი - 12.00 სთ-დან 17.00 სთ-მდე
- შაბათი - 10.00 სთ-დან 14.00 სთ-მდე

მიმდინარე წელს, სადაზღვევო პაკეტს, ქ. თბილისში, ამბულატორიულ მომსახურების პროვაიდერი ორი კლინიკა დაემატა. სამედიცინო მომსახურების მისაღებად „საქნახშირი“ დასაქმებულმა წინასწარ უნდა დარეკოს „უნისონის“ ცხელ ხაზზე (ტელ: 032 2991 991) და ახორციელებს ვიზიტის ჯავშანს ოჯახის ექიმთან თბილისში, „უნისონის“ პროვაიდერ კლინიკაში; აგრეთვე, „საქნახშირი“ დასაქმებულებს შეუძლიათ მიიღონ მომსახურება ქუთაისის ცენტრალურ საავადმყოფოშიც (ყოფილი რკინიგზის საავადმყოფო).

გეგახაძე საქართველოს ტექნიკური უნივერსიტეტში

„საქნახშირის“ დირექტორი, ალექსანდრ ლოვინი, მთავარი ინჟინერი, ვოლოდიმირ კლადკო და „საქნახშირის“ საკონსულტაციო ჯგუფის კონსულტანტი, ავთო ბოჭორიშვილი სამთო-გეოლოგიური ფაკულტეტის დეკანს, პროფესორ ანზოლ აბშილაგას, სხვადასხვა დეპარტამენტების ხელმძღვანელებს და სტუდენტური კავშირის წარმომადგენლებს შეხვდნენ.

შეხვედრაზე მოხდა სამომავლო გეგმებისა და შახტების განვითარების პერსპექტივის განხილვა, ასევე, საუბარი შეეხო კვალიფიციური კადრების მომზადებას და ამ პროცესში ტექნიკური უნივერსიტეტის სამთო-გეოლოგიური ფაკულტეტის კონტრიბუციას. გარდა ამისა, „საქნახშირის“ წარმომადგენლებმა გეოლოგიური მუზეუმები და შახტა-ლაბორატორიაც მოინახულეს.



„საქნახშირის სპონსორი და გასართობი ღონისძიებები“ ჭაქრაქის შიდა ჩემპიონატით გაიხსნა!



მეშახტეებს შორის ჭაქრაქის შიდა ჩემპიონატი შვეიცარიული სისტემით ჩატარდა. მას ტყიბულის ჭაქრაქის ფედერაციის ვიცე-პრეზიდენტი, იუზა დოლიძე ხელმძღვანელობდა.

„საქნახშირმა“ გამარჯვებულებს სამახსოვრო სიგელები და ფულადი პრიზები გადასცა.

- I ადგილი გია სულამანიძემ დაიკავა,
- II ადგილზე გიორგი მახარაშვილი გავიდა,
- III ადგილის მფლობელი კი ვალოდია მესხი გახდა.

გამარჯვებულებმა ტყიბულის გუნდურ ჩემპიონატში მიიღეს მონაწილეობა, სადაც II და III ადგილები დაიკავეს.



გაუკეთა დაჯილდოვების საერთაშორისო დღე განსაკუთრებულად აღვნიშნეთ!



„საქნახშირის“ ინიციატივით, ტყიბულის თეატრში „საქართველოს თოჯინების პროფესიული თეატრების გაერთიანების“ სპექტაკლის ჩვენება გაიმართა. ანრი პოპესკუს პიესის მიხედვით დადგმული „მზის სხივი“ ნამდვილ, უანგარო მეგობრობაზე გვიყვება და დაუვინყარ ემოციებს ტოვებს. სპექტაკლი „ახალციხის თოჯინების თეატრმა“ წარმოადგინა და სცენაზე ულამაზესი სანახაობა შექმნა.

გარდა ამისა, „საქნახშირში“ დასაქმებულების შვილებისთვის საბავშვო ფურშეტი მოეწყო. ღონისძიება სადღესასწაულო ტორტის გაჭრითა და მხიარული თამაშებით დაგვირგვინდა.



გაიჭიანით „ხარისხის კონტროლის სამსახურის“ სპეციალისტები



ქვანახშირის ხარისხს „საქნახშირში“ სპეციალური სამსახური აკონტროლებს, რომელიც მაღალი დონის სპეციალისტებით არის დაკომპლექტებული. აღნიშნულ სამსახურს როსტომ ქუთათელაძე ხელმძღვანელობს. ბატონი როსტომი სამთო ინჟინრის პროფესიას ლენინგრადის სამთო ინსტიტუტში დაუფლა და უკვე 20 წელია სამთო დარგს ემსახურება. ტყიბულში 1981 წელს, განაწილებით მოხვდა. ჯერ ვენტილაციისა და უსაფრთხოების უბანში, სამთო ოსტატად დაიწყო მუშაობა; შემდეგ უბნის უფროსის მოადგილედ, უბნის უფროსად და მთავარ ინჟინრად მუშაობდა. 2013 წელს ტექნიკური სამსახურის უფროსის პოზიციაზე დაინიშნა; 2015 წლიდან კი, „ხარისხის კონტროლის სამსახურის“ ხელმძღვანელია. ამავე სამსახურში არიან დასაქმებულები ხარისხის კონტროლის სამსახურის სამთო სამუშაოების აღრიცხვისა და ბაზების კონტროლის სპეციალისტი მაია შაოშაძე, ხარისხის კონტროლის სამსახურის სამთო სამუშაოების ხარისხის კონტროლის სპეციალისტები - ალექსანდრე გვენეტაძე, ამირან ბუცხრიციძე და გიზო კირკიტაძე.

როსტომ ქუთათელაძე: „ხარისხის კონტროლის სამსახურის მოვალეობა ნახშირმომპოვებელ უბნებში (ვიზუალურად და სინჯების აღების მეშვეობით) მოპოვებული ნახშირის ხარისხის კონტროლია. ასევე, ტექნიკური პასპორტის შესაბამისად ვაწარმოებთ გაყვანილი სამუშაოების შემოწმებას. დიდი ყურადღება ეთმობა გამონამუშევრებში სარემონტო სამუშაოების ჩატარებას, რათა შემცირდეს რისკის შემცველი ფაქტორები. ვმონაწილეობთ ყოველწლიური და ყოველთვიური სარემონტო სამუშაოების დაგეგმარებაში. მათი შესრულების კონტროლს ყოველთვიურად და დეკადურად, აზომვითი სამუშაოების მეშვეობით ვაწარმოებთ. ჩვენს სამსახურში დასაქმებულები არიან დიდი გამოცდილების მქონე, მაღალი დონის პროფესიონალები. ეს პროფესიონალიზმი ჩვენ მიერ შესრულებულ საქმეზე ყოველდღიურად აისახება.“


გიორგი ჭაბუჩიანი: „ჩვენ ჰეროებთან ჩვენი ოჯახებისა და ქვეყნის საქმიანობა“

გიორგი ჭაბუჩიანი პროფესიით სამთოელია. საშახტო ანვეისა და ენერგო-ინჟინრის კვალიფიკაციას „საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო ტექნოლოგიური ინსტიტუტში“ დაუფლა. 2013 წელს „მინდელის“ სახელობის შახტში, დამხმარე ჭაურის ამწე მანქანის მემანქანედ დაიწყო მუშაობა. გარკვეული პერიოდით სხვა დარგშიც გადაინაცვლა და ქუთაისში მუშაობდა. თუმცა, 2021 წელს კი კვლავ სამთო დარგს დაუბრუნდა. მეუღლესთან და შვილებთან ერთად მშობლიურ ქალაქში ჩამოვიდა და საშახტო ანვეის უბნის მინისქვეშა დამხმარე ჭაურის ამწე მანქანის მემანქანის პოზიციაზე დაიწყო მუშაობა.

გიორგი ჭაბუჩიანი: „შახტის ტყიბულისთვის უდიდესი მნიშვნელობა აქვს, რეგიონში ყველაზე დიდი დამსაქმებელი კომპანიაა. რაც საწარმოო პროცესი ალგა ქალაქი უფრო გამოცოცხლდა და გალამაზდა. როგორც ვიცი, მუნიციპალიტეტში კიდევ ბევრი კარგი პროექტების განხორციელება დაგეგმილი. მეც ამიტომ დავბრუნდი შახტში სამუშაოდ. „საქნახშირში“ სტაბილური სამსახური და შესაბამისი ანაზღაურებაა. ჩემი ოჯახის ძირითადი შემოსავლი „საქნახშირიდან“ მიღებული ჰონორარია. გარდა ამისა, ძალიან სასიამოვნოა საუკეთესო გუნდთან ერთად მუშაობა. ყველა მეშახტეს უსაფრთხო სამუშაო გარემოს და წარმატებულ საქმიანობას ვუსურვებ. ჩვენ ვშრომობთ ჩვენი ოჯახებისა და ქვეყნის საკეთილდღეოდ!“



გიორგი ჭაბუჩიანი



მაკა ცნობილაძე

15 წელი „საქნახშირში“

მაკა ცნობილაძის „საქნახშირში“ საქმიანობა 15 წელს ითვლის. „საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო ტექნოლოგიური ინსტიტუტი“ ეკონომისტის კვალიფიკაციით დაამთავრა. 2008 წელს „საქნახშირის“ კადრების განყოფილების უფროსის მოადგილის პოზიციაზე დაიწყო მუშაობა. 2015 წლიდან დღემდე კი, კანცელარიისა და დოკუმენტაციის დარჩევების მთავარი სპეციალისტია.

მაკა ცნობილაძე: „ჩვენი კომპანია უდიდეს როლს ასრულებს არა მხოლოდ ქალაქის, არამედ მთლიანად რეგიონის განვითარებაში. ჩვენი მუნიციპალიტეტის მოსახლეობის დიდი ნაწილი აქ არის დასაქმებული და მათი ოჯახების ეკონომიკური მდგომარეობა კომპანიის მდგრადობაზე დამოკიდებული. ჩემი მეუღლეც და შვილიც შახტში მუშაობენ, შესაბამისად, ჩვენი ოჯახი კომპანიისგან მიღებულ შრომის ანაზღაურებაზე დამოკიდებული. მივსალმები და სასიხარულოა, რომ კომპანია ასე ზრუნავს თითოეულ დასაქმებულზე და მთელს მუნიციპალიტეტზე. ეს უკვე შესამჩნევად აისახება ტყიბულის ეკონომიკაზე და ცხოვრების დონის გაუმჯობესებაზე.“

47 წელი სამთო სფეროში

შახი რიჟამაძე 47 წელია სამთო სფეროში საქმიანობს. ქუთაისის სამთო სასწავლებელი მადნეული და არამადნეული ბუდობების დამუშავების სპეციალობით დაამთავრა. 1976 წელს, სამხედრო სავალდებულო სამსახურის დასრულების შემდეგ, მშობლიურ ქალაქში დაბრუნდა და მუშაობა შახტში, წმენდით სანგრევში დაიწყო. 1979 წელს ე.წ. „ორჯონიკიძის“ სახელობის შახტში, საველე-გაყვანილი სამუშაოების ათისთავად გადავიდა. 2010 წლიდან კი დალამვის უბნის მინისქვეშა სამთო ოსტატის პოზიციაზე დასაქმებული და ერთგულად ემსახურება სამთო სფეროს. წლების მანძილზე დაგროვილ ცოდნასა და გამოცდილებას დღესაც სიყვარულით უზიარებს ახალბედა მეშახტეებს. გარდა ამისა, აქტიურადაა ჩართული „საქნახშირის“ ღონისძიებებში - მონაწილეობს ჭადრაკის შიდა ჩემპიონატებში და არაერთი პრიზის მფლობელიც გახდა. შახი ახალსოფელში, მეუღლესთან და შვილიშვილებთან ერთად ცხოვრობს. მეშახტეობასთან ერთად, სასოფლო-სამეურნეო საქმიანობასაც ეწევა.

შახი რიჟამაძე: „შახტში მრავალწლიანი მუშაობის შედეგად მიღებულ ცოდნას ყოველდღიურად ვუზიარებ დამწყებ მეშახტეებს. ამ სფეროში ასობით ახალგაზრდა მყავს აღზრდილი. მრავალი წლის წინ (საბჭოთა პერიოდში), როგორც დამსახურებულ მეშახტეს, ბინა მაჩუქეს და რიგის გარეშე მომცეს მანქანა. შახტის გარეშე ცხოვრება ჩემთვის წარმოუდგენელია, შახტა იგივე ჩემი ოჯახია. კმაყოფილი ვარ ამჟამინდელი მენეჯმენტის საქმიანობითა და მიდგომით. ისინი მუდმივად ზრუნავენ მეშახტეებისთვის უსაფრთხო სამუშაო გარემოს შექმნაზე. გვაქვს ჯანმრთელობის დაზღვევა, უფასო კვება; ხშირად იმართება წამახალისებელი სპორტული და გასართობი ღონისძიებები, რაც მისასალმებელი და დასაფასებელია. კომპანია ჩართულია ტყიბულის განვითარებისა და აღმშენებლობის საქმეში და თავისი წვლილი შეაქვს. ეს ყველაფერი მომავალში ჩვენი მუნიციპალიტეტის კეთილდღეობაზე შესამჩნევად აისახება.“



შახი რიჟამაძე

„საქნახშირი“ შპს ბავშვთა რეაბილიტაციის ცენტრი „ნაიო“ საჭირო ავეჯით სრულად აღჭურვა!

ტყიბულის მუნიციპალიტეტის მერის ინიციატივითა და მხარდაჭერით ტყიბულში აუტიზმისა და ბავშვთა აბილიტაცია/რეაბილიტაციის ცენტრი გაიხსნა. „საქნახშირის“ დახმარებით, ცენტრი სრულად აღიჭურვა საჭირო ავეჯით და ამიერიდან, შპს ბავშვები ტყიბულშივე შეძლებენ საჭირო სერვისებით სარგებლობას. პირველ ეტაპზე, ცენტრი აბილიტაცია-რეაბილიტაციისა და ადრეული განვითარების პროგრამებს შეასრულებს.

ცენტრის მოსაწყობად მუნიციპალიტეტის მერიამ შესაბამისი სივრცე გამოყო და შენობის სარეაბილიტაციო სამუშაოები აღნიშნულ ორგანიზაციასთან ერთად განახორციელა.

ბავშვებს სამედიცინო და სოციალური რეაბილიტაციის მიმართულებით კვალიფიციურ მომსახურებას გაუწევენ: ბავშვთა ნევროლოგი, ფიზიკური თერაპევტი, ქცევის თერაპევტი, მეტყველების თერაპევტი, სპეციალური განათლების პედაგოგი, ოკუპაციური თერაპევტი და ფსიქოლოგი.

„ნაიო“ უკვე 26 წელია დასავლეთ საქართველოში შპს ბავშვების სამედიცინო და სოციალური რეაბილიტაციის მიმართულებით მუშაობს, წარმოადგენს ყველაზე დიდი გამოცდილების მქონე ორგანიზაციას და ასრულებს როგორც სახელმწიფო, ისე ადგილობრივ პროგრამებს.



ტყიბულის სამთო-ტექნოლოგიური ინსტიტუტი მიღებას აცხადებს

საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტი 2023 წლის სასწავლო პროგრამებზე მიღებას აცხადებს.

მიღება გამოცხადდა შემდეგ სპეციალობებზე:

1. მყარი წიაღისეულის გამდიდრების ტექნოლოგიის სპეციალისტი
2. სამთო ელექტრო-მექანიკოსი
3. სამთო ტექნიკოსი
4. მღებავი
5. მებათქაშე
6. ინფორმაციის ტექნოლოგიის მხარდაჭერა

რეგისტრაცია იწარმოებს 2023 წლის 22 მაისიდან 10 სექტემბრის ჩათვლით. აპლიკანტებმა უნდა წარმოადგინონ შემდეგი დოკუმენტაცია:

1. პირადობის დამადასტურებელი მოწმობა და ასლი (პირადობის მოწმობა უბრუნდება მფლობელს)
2. დაბადების მოწმობის ასლი
3. განათლების დამადასტურებელი დოკუმენტის ნოტარიულად დამოწმებული ასლი
4. ორი ფოტოსურათი (3X4) ამობეჭდილი და ელექტრონული ვერსია (დისკით)

დანვრილებითი ინფორმაციისათვის მიმართეთ ინსტიტუტის ადმინისტრაციას მისამართზე: ქ. ტყიბული, კ.ლომაძის მოედანი #4.

ტელ: 599 30 46 42; 551 60 33 55

ტყიბულის მუნიციპალური თეატრის სპექტაკლი „თეატრალური იმერეთი 2023“-ის გაბარჯვებილი იღონეთ 2023“-ის გაბარჯვებილი!

ტყიბულის მუნიციპალური თეატრი, საერთაშორისო ფესტივალის „თეატრალური იმერეთი 2023“-ის გამარჯვებული ზედიზედ მეორედ გახდა. რეჟისორ მარიამ სიხარულიძის მიერ დადგმულმა სპექტაკლმა „უსამშობლო კაცი“ გრანპრი მოიპოვა. ქუთაისის, ლადო მესხიშვილის სახელობის პროფესიულ დრამატულ თეატრში, ფესტივალის დახურვის ღონისძიებაზე სხვადასხვა ნომინაციაში გამარჯვებული სპექტაკლები და მსახიობები გამოვლინდნენ. ახალგაზრდა რეჟისორი ქალის ნომინაციაში ტყიბულის თეატრის მოწვეული რეჟისორი, მარიამ სიხარულიძე დაჯილდოვდა.

გარდა ამისა, ცოტა ხნის წინ, ამავე სპექტაკლმა საქართველოს კულტურის, სპორტისა და ახალგაზრდობის სამინისტროს მხარდაჭერით დაფუძნებულ „სიღნაღის თეატრალურ ფესტივალზე“ მეორე საპრიზო ადგილი მიიღო და ფესტივალის საზეიმო დახურვის ღონისძიებაზე ფულადი პრემიით, 10 000 ლარით დაჯილდოვდა.

მარიამ სიხარულიძემ „უსამშობლო კაცის“ ინსცენირება ამერიკელი ავტორის, ედვარდ ჰეილის, ნაწარმოების მიხედვით დადგა, რომელიც ორიგინალის სრული ინტერპრეტაციაა. სიუჟეტი ჯარისკაცის ტრაგიკული ბედისწერას ასახავს, რომელიც სამშობლოსგან მოწყვეტილი კაცის ისტორიას გვიყვება. სპექტაკლში ტყიბულის თეატრის დასთან ერთად მოწვეული და მოყვარული მსახიობები მონაწილეობენ.



ცყიბუღი საქართველოს დამოუკიდებლობის დღე გიაკადფიეროვანი ღონისძიებებით აღინიშნა!



დღესასწაულთან დაკავშირებით ქალაქი საზეიმოდ მოეწყო. დილიდან მოწამეთაში წვევამდელთა ფიცის დადების საზეიმო ცერემონია გაიმართა.

ცენტრალურ მოედანზე განთავსდა თემატური ისტორიული კუთხეები და ბავშვთა გასართობი სივრცეები. მოეწყო მსახიობებისა და ორკესტრის კოსტიუმირებული მსვლელობა, ადგილობრივი მწარმოებლის პროდუქციის გამოფენა-გაყიდვა, სხვადასხვა შემოქმედებითი მასტერკლასი, შემეცნებითი თამაშები და სხვა აქტივობები. მთელი დღის განმავლობაში თავდაცვის ძალების სამხედრო ტექნიკა, შეიარაღება და აღჭურვილობა იყო გამოფენილი. მუსიკალური ნომრებით წარსდგნენ თბილისის ბავშვთა კაპელა და ადგილობრივი შემსრულებლები.



მოსახლეობასთან ერთად დღესასწაულს ესწრებოდნენ ტყიბულის მავორიტარი დეპუტატი ბეჟან წაქაძე, ჯანდაცვის მინისტრის მოადგილე თამარ ბარკალაია, იმერეთის გუბერნატორის მოადგილე ბესიკ გოფოძე, ტყიბულის მუნიციპალიტეტის საკრებულოს თავმჯდომარე იოსებ რობაქიძე, ტყიბულისა და თერჯოლის მიტროპოლიტი მეუფე გიორგი (შალამბერიძე), საქართველოს ძიუდოს ნაკრების მთავარი მწვრთნელი ლაშა გუჯეჯანი, წარმატებული ტყიბულელი ძიუდოსტი ილია სულამანიძე და ადგილობრივი ხელისუფლების სხვა წარმომადგენლები.

17 საათსა და 10 წუთზე საზეიმოდ აღინიშნა საქართველოს დამოუკიდებლობის გამოცხადების ისტორიული დრო და სახელმწიფო ჰიმნი შესრულდა.

საზეიმო ღონისძიებები პოპულარული ჯგუფების „ფორტესა“ და „მგზავრების“ კონცერტით დასრულდა.



ცყიბუღი ბავშვთა დაცვის სამსახურისთვის აღინიშნა

პატარებისათვის სადღესასწაულო კონცერტი ტრადიციულად მოსწავლე-ახალგაზრდობის სასახლის ამფითეატრში გაიმართა. სასახლის შემოქმედებითმა ჯგუფებმა და შემსრულებლებმა ქორეოგრაფიული, ვოკალური ნომრები და ლიტერატურული კომპოზიციები წარმოადგინეს. ასევე, მოეწყო ასფალტზე ხატვა. ფერადი და მხიარული საღამო საზეიმო ფიერვერკით დასრულდა.

დღესასწაული ბავშვებს სცენიდან მუნიციპალიტეტის მერმა,

დავით ჩერქეზიშვილმა, მიულოცა. ამ დღესთან დაკავშირებით, ტყიბულის მუნიციპალიტეტში მცხოვრებ დევნილ ბავშვებს, აფხაზეთის ავტონომიური რესპუბლიკის იძულებით გადაადგილებულ პირთა სამინისტროს, იმერეთის, გურიის, რაჭა-ლეჩხუმისა და ქვემო სვანეთის რეგიონებისა და აჭარის ავტონომიური რესპუბლიკის ტერიტორიული ორგანოს ხელმძღვანელმა, ნათია კოპალიანმა, მუნიციპალიტეტის მერის მოადგილესთან, ალექსანდრე ქათამაძესთან ერთად საჩუქრები გადასცა.



გზია გორგობიანა ცყიბუდი განორციელებუდი ინფრასტრუქტურუდი პროექტები რაატუადინა

საქართველოს რეგიონული განვითარებისა და ინფრასტრუქტურის მინისტრის მოადგილემ, მზია გორგობიანმა, ტყიბულის მუნიციპალიტეტის მერმა, დავით ჩერქეზიშვილმა და იმერეთის სახელმწიფო რწმუნებულის მოადგილემ, ლევან კიკნაველიძემ, ადგილობრივი ხელისუფლების სხვა წარმომადგენლებთან ერთად, საპილოტე რეგიონების ინტეგრირებული განვითარების პროგრამის ფარგლებში განხორციელებული ინფრასტრუქტურული პროექტები დაათვალიერეს.



ცირეკიდის ქუჩაზე თანამედროვე სტანდარტების შესაბამისად აღჭურვილი დასასვენებელი სივრცე მოეწყო. სკვერი შემოისაზღვრა დამცავი მოაჯირებით და იქ არსებული კიბეები დეკორატიული ფილებით მოპირკეთდა; დამონტაჟდა თანამედროვე განათების სისტემა, განთავსდა ხის სკამები და ურნები, ასევე, დაირგო ხე-მცენარეები.



ისტორიული იერსახის შენარჩუნების მიზნით, რუსთაველის ქუჩაზე არსებული კიბეები გამორჩეული არქიტექტურული გადაწყვეტით მოეწყო. პარალელურად, აღნიშნულ ქუჩაზე განხორციელდა N2 და N4 მრავალსართულიანი საცხოვრებელი კორპუსების ფასადების სარეაბილიტაციო სამუშაოები. პროექტის ფარგლებში, დასრულდა ქალაქში შემოსასვლელი ალტერნატიული გზის ერთ კილომეტრიანი, ხოლო სოფელ გელათში 3 კილომეტრიანი მონაკვეთის ბეტონის საფარით რეაბილიტაცია. ცხრაჯვარიდან სალოცავამდე მოეწყო 800 მეტრიანი, ხოლო ცხრაჯვარიდან სოფელ ძმების კანონამდე 22 კმ-იანი საფენავლო ტურისტული ბილიკი.



ხელისუფლების წარმომადგენლები გელათის ქუჩაზეც იმყოფე-

ბოდნენ, სადაც გზის სავალი ნაწილის ქვაფენილით მოპირკეთება, სკვერის მოწყობა, მრავალბინიანი საცხოვრებელი კორპუსების გარე ფასადების და სახურავების რეაბილიტაცია მიმდინარეობს.

დავით ჩერქეზიშვილმა მინისტრის მოადგილეს მდინარის ორივე მხარეს მოაჯირების მოწყობის სამუშაოებიც დაათვალიერებინა და დაგეგმილი პროექტების შესახებ ინფორმაცია გააცნო.

საპილოტე რეგიონების ინტეგრირებული განვითარების პროგრამის დაფინანსებით, სამუშაოების ღირებულება 6 მილიონ ლარს შეადგენს.

რუსთაველის ქუჩაზე გინი სკორტუდი გორგანი გაიხსნა

ტყიბულში, რუსთაველის ქუჩაზე სკორტული მოედანი და დასასვენებელი სივრცე მოეწყო. განახლებული სკორტული ინფრასტრუქტურა ტყიბულის მუნიციპალიტეტის მერმა, დავით ჩერქეზიშვილმა ბავშვებთან ერთად გახსნა. პროექტისთვის ადგილობრივი ბიუჯეტიდან 83700 ლარი გამოიყო, რომლის ფარგლებში, დაიგო ხელოვნური საფარი, დამონტაჟ-

და ფეხბურთის კარები და გარე განათების სისტემა. მოედანი შემოისაზღვრა ბადე-პანელებით. მცირე ზომის სკვერში დაიგო ხელოვნური საფარი და განთავსდა ხის საქანელები.

აღნიშნული მიმართულებით სამუშაოები გრძელდება და წელს მუნიციპალიტეტს კიდევ რამდენიმე ახალი ლოკაცია შეემატება.



USAID-ის აგბილობნიკი ტუიტიგბანტუქულობის პროგნაბა

USAID-ის ადგილობრივი თვითმმართველობის პროგრამის ფარგლებში, ტყიბულის მუნიციპალიტეტის 2023-2025 წლების სამოქმედო გეგმა შემუშავდა.

USAID-ის ადგილობრივი თვითმმართველობის პროგრამა ხუთწლიანი ინიციატივაა, რომლის მიზანს წარმოადგენს გააძლიეროს ანგარიშვალდებულება ადგილობრივი თვითმმართველობის სისტემაში, გააუმჯობესოს ინკლუზიური და მომხმარებელზე ორიენტირებული საჯარო სერვისების მიწოდება ადგილობრივ დონეზე და მხარი დაუჭიროს ცენტრალურ ინსტიტუტებს დეცენტრალიზაციისა და საჯარო მმართველობის რეფორმის განხორციელებაში.



ინტელექტის ოლიმპიადის გამარჯვებულის დაჯილდოების ღონისძიება



ქუთაისში, ინტელექტის ოლიმპიადის გამარჯვებულთა დაჯილდოების ღონისძიება გაიმართა. აღმოსავლეთ ევროპის უნივერსიტეტისა (EEU) და კინგის პარტნიორობით, იმერეთის რეგიონის მასშტაბით, მე-10, მე-11, მე-12 კლასის მოსწავლეებისთვის ინტელექტის ოლიმპიადა ჩატარდა, სადაც III საპრიზო ადგილი ტყიბულის მე-4 საჯარო სკოლის მოსწავლემ, ალექსი კუბლაშვილმა დაიკავა.

ოლიმპიადაში 7 მუნიციპალიტეტიდან 600-მდე მოსწავლე მონაწილეობდა, მათგან ფინალურ ეტაპზე 3 გამარჯვებული გამოვლინდა.

ოლიმპიადის გამარჯვებული ქუთაისის 41-ე საჯარო სკოლის მოსწავლე ლუკა ლიკლიკაძე გახდა. საპრიზო ადგილებზე გასულ მოსწავლეებს აღმოსავლეთ ევროპის უნივერსიტეტისგან ყოველთვიური სტიპენდია, სპეციალური პრიზები და დიპლომები გადაეცათ.

ტყიბულის მუნიციპალიტეტის მასშტაბით, ინტელექტის ოლიმპიადაში გამარჯვებულ მოსწავლეთა დაჯილდოების ღონისძიება გაიმართა, რომელშიც მასშტაბით, ინტელექტის ოლიმპიადაში გამარჯვებულ მოსწავლეთა დაჯილდოების ღონისძიება გაიმართა.

ებს მუნიციპალიტეტის მერიამ დამატებითი პრიზები დაუნესა. დავით ჩერქეზიშვილმა, I, II და III ადგილებზე გასულ მოსწავლეებს: ალექსი კუბლაშვილს, მარიამ ჩიხრაძეს და ნიკოლოზ ოდიკაძეს შესაბამის სიგელებთან ერთად ფულადი ჯილდო გადასცა.

ცყიბუღის ჯანდაცვის ობიექტების გაერთიანებას ქმნიან გოცირიძე უხეგოქანეძეს

ტყიბულის მუნიციპალიტეტის მერმა, დავით ჩერქეზიშვილმა, ა. (ა) .ი.პ. "კულტურის ობიექტების გაერთიანების" წარმომადგენლებთან შეხვედრა გამართა. მერმა სამსახურს ახლად დანიშნული მოადგილე, სფეროს კურატორი, ალექსანდრე ქათამაძე და კულტურის ობიექტების გაერთიანების ახალი ხელმძღვანელი, ქეთევან გოცირიძე, წარუდგინა.

დავით ჩერქეზიშვილმა კულტურის ობიექტების გაერთიანების ხელმძღვანელის მოვალეობის შემსრულებელს, ნათია ხეთერელს განუვლი საქმიანობისთვის მადლობა გადაუხადა და განახლებულ გუნდთან ერთად წარმატებები უსურვა. მერმა ახალ გამოწვევებზეც ისაუბრა და აღნიშნა, რომ მომავალში კულტურის მიმართულებით არაერთი საინტერესო პროექტი განხორციელდება.



ცყიბუღის გუნიციპალიტეტში უფასო სამედიცინო აქცია გაიმართა

სამედიცინო აქციის ფარგლებში, მოქალაქეებს მაღალი ხარისხის სამედიცინო მომსახურებას სხვადასხვა პროფილის ექიმები უწევდნენ: ბავშვთა ორთოპედი, მოზრდილთა ორთოპედ-ტრავმატოლოგი, მოზრდილთა ნევროლოგი, ოფთალმოლოგი, ბავშვთა ნევროლოგი, კარდიოლოგი, დერმატოლოგი. აქციის მიმდინარეობას ტყიბულის მუნიციპალიტეტის მერი, დავით ჩერქეზიშვილი ადგილზე გაეცნო. მან სამედიცინო სფეროს წარმომადგენლებს უსასყიდლო ჩართულობისთვის მადლობა გადაუხადა და შესაბამისი სიგელები გადასცა. უფასო სამედიცინო აქცია ტყიბულის მუნიციპალიტეტის მერიამ, ორგანიზაციის „ექიმი და საზოგადოება“ მხარდაჭერით განახორციელა.



კუნგ-ფუს ჩემპიონატი და საქართველოს პირველადი პირველადი

ამბროლაურში, კუნგ-ფუს ჩემპიონატი და საქართველოს პირველობა გაიმართა, რომელშიც საქართველოს რეგიონებიდან ორთაბრძოლების 12 კლუბის 107 სპორტსმენი მონაწილეობდა (ვაჟები და გოგონები).

შეჯიბრი კუნგ-ფუს სამ სახეობაში გაიმართა: „ფაიტინგი“, „ტუი შოუ“ და „და დენი“. ტყიბულელმა კუნგ-ფუსისტებმა ბრწყინვალედ იასპარეზეს და სამივე სახეობაში 13 პირველი, 2 მეორე და 1 მესამე საპრიზო ადგილი მოიპოვეს. საერთო შედეგით, ტყიბულის გუნდმა გუნდურ ჩათვლაში პირველი ადგილი მოიპოვა. სპორტსმენები ჩემპიონატისთვის ოლეგ ფანჩულიძემ მოამზადა.

„ფაიტინგში“ ჩემპიონები გახდნენ: ნიკოლოზ ბუბაშვილი, საბა აბესაძე, დავით ჩეთოშვილი, ოთარ სანიკიანი, ბადრი ბოჭორიშვილი, ანდრო ბოჭორიშვილი, ლუკა მესხორაძე, მიხეილ ვერულაშვილი.



პრიზორები გახდნენ: ალექსი მაჭავარიანი, გიორგი ფოფხაძე, გიორგი გოგილიძე.

„და დენში“ და „ტუი შოუში“ ჩემპიონები გახდნენ: ალექსი მაჭავარიანი, გიორგი ფოფხაძე, გიორგი გო-

გილიძე, დავით ჩეთოშვილი, მიხეილ ვერულაშვილი.

სკოლის წარმატებულ სპორტსმენებს, საბა აბესაძეს და დავით ჩეთოშვილს კუნგ-ფუსში სპორტის ოსტატობის კანდიდატობის წოდება მიენიჭათ. ასევე, ინსტრუქტორის წოდება მიენიჭა სკოლის წარმომადგენელს, ნიკოლოზ მესხორაძეს.

შედეგების მიხედვით, წლის საუკეთესო სპორტსმენებად დასახელდნენ: საბა აბესაძე, ნიკოლოზ ბუბაშვილი, ალექსი მაჭავარიანი, დავით ჩეთოშვილი, ბადრი ბოჭორიშვილი და ოთარ სანიკიანი.

ტურნირის ორგანიზატორები და მასპინძლები იყვნენ „საქართველოს კუნგ-ფუს ეროვნული ფედერაცია“, ამბროლაურის „კედოს“, სკოლა და ამბროლაურის მუნიციპალიტეტის სასპორტო სკოლა.

ტყიბულის გუნდს ტურნირზე გამგზავრებაში დახმარება ტყიბულის მუნიციპალიტეტის სპორტულმა ცენტრმა გაუნია.

ფრიბილ ცყიბულის დიდ სტადიონზე

ტყიბულში სპორტული და გასართობი აქტივობები უკვე რეგულარულად იმართება. მოყვარულმა სპორტსმენებმა აქტიურად დაიწყეს სპორტის ახალი სახეობის, ფრიბილის - იგივე მფრინავი დისკის პოპულარიზაცია. თითქმის ყოველდღე, 19:00 საათიდან 20:30 საათამდე, ფრიბილის მოყვარულები ტყიბულის დიდ სტადიონზე იკრიბებიან, თავადაც თამაშობენ და მზად არიან, სხვებსაც ასწავლონ.

ფრიბილის გარდა, იგეგმება სხვადასხვა სამაგიდო თამაშების, ფრენბურთის, კინოჩვენებებისა და საცეკვაო საღამოების ორგანიზება. სწორედ ამ მიზნით, სოციალურ ქსელში (Messenger, Telegram) ჩატი შეიქმნა, სადაც რეგულარულად ქვეყნდება სხვადასხვა აქტივობების შესახებ.



შემოუერთდით ჩვენს ჩატს



ცყიბულის კიბორღისცემა გეგახცის ცუნჩიჩე



17-18 ივნისს, ჭიდაობა-ძიუ-დოში ნესტორ ხერგიანის სახელობის ტურნირი ჩატარდა. შეჯიბრი 2011-2012 წლებში დაბადებულ ჭაბუკ ძიუ-დოისტთა შორის გაიმართა და მასში მონაწილეობა ტყიბულის მუნიციპალიტეტის სპორტული ცენტრის აღსაზრდელებმაც მიიღეს.

აღნიშნულ ტურნირზე ჩვენმა ძიუ-დოისტებმა კარგად იასპარეზეს. რომიკო მოდებაძემ მძიმე წონით კატეგორიაში მეორე ადგილი დაიკავა, ხოლო ნიკოლოზ ბუმკენაძე 55კგ. წონით კატეგორიაში მესამე ადგილზე გავიდა. გამარჯვებულების მწვრთნელები გრიგოლ სოფრომაძე და ირაკლი მერკვილაძე არიან.

ცყიბულის ხელბურთელები ევროპის ჩემპიონატზე იასპარეზებენ!

პირველად ტყიბულის ხელბურთის ისტორიაში, ტყიბულის მუნიციპალიტეტის სპორტული ცენტრის ოთხი ხელბურთელი გოგონა ევროპის ჩემპიონატზე იასპარეზებს!

სპორტული ცენტრის წარმატებული ხელბურთელების გუნდიდან საქართველოს ხელბურთის ფედერაციის მიერ ოთხი ხელბურთელი გოგონა შეირჩა. მარიამ გობეჯიშვილი, მარიამ ლაფერაძე, დიანა არაბიძე და მარიამ ოდიკაძე საქართველოს ხელბურთის 17 წლამდე გოგონათა ნაკრების გუნდით 19 ივნისიდან გაივილიან მზადებას და აგვისტოში, ქ. ბაქოში, ევროპის ჩემპიონატზე დაიკავებენ საქართველოს ღირსებას.



უნდა აღინიშნოს, რომ 2021 წელს, როინ მდივანისა და თენგიზ გვენეტაძის ხელმძღვანელობით, ტყიბულის ხელბურთელ გოგონათა გუნდი საქართველოს 15 წლამდელთა ხელბურთის ჩემპიონატის ტიტულის მფლობელი და 17 წლამდელთა ვიცე-ჩემპიონი გახდა. ამჟამად, გუნდს როინ მდივანი და მისი თანაშემწე, საქართველოს ეროვნული ნაკრების წევრი, ლიბი რობაქიძე ავარჯიშებს.

„გეგახცე“ ეროვნული ლიგა 3-ში 9 მატჩიან წაუგებელ სერიას აგრძელებს!

საფეხბურთო კლუბი ტყიბულის „მეშახტე“ ეროვნულ ლიგა 3-ში 9 მატჩიან წაუგებელ სერიას აგრძელებს. „მეშახტემ“ მე-11 ტურში საჩხერის „ჩიხურა“ დამაჯერებელი ანგარიშით 4-0 დაამარცხა. აღნიშნული მოგებით „მეშახტეს“ 20 ქულა დაუგროვდა და სატურნირო ცხრილში მე-4 ადგილზე იმყოფება.

აღსანიშნავია, რომ ეროვნული ჩემპიონატის დებულების მიხედვით პირველ და მეორე ადგილზე გუნდები პირდაპირ, ხოლო მესამე და მეოთხე ადგილზე გასული გუნდები პლეიოფში გამარჯვების შემდეგ გადავლენ მე-2 ლიგაში.

მე-11 ტურის შემდეგ გუნდები დიდ შესვენებაზე გავიდნენ, ჩემპიონატი კი 3 აგვისტოს განახლდება. ამასთან ერთად, ტყიბულის „მეშახტე“ თავისი ისტორიის განმავლობაში პირველად საქართველოს დავით ყიფიანის სახელობის თასის 1/8 ფინალში გასასვლელადაც იბრძოლებს!

ს/კ ტყიბულის „მეშახტე“ 22 ივლისს 1/8 ფინალში გასასვლელად „შუქურა 2“ - ს დაუპირისპირდება, სადაც ჩვენი გუნდი ფავორიტად მოიაზრება.





ქუთაისში 480 დევნილ ოჯახს ბინები გაღივდა

საქართველოს პრემიერ მინისტრმა ირაკლი ღარიბაშვილმა და ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრმა ზურაბ აბარაშვილმა, დევნილ ოჯახებს სიტყვით მიმართეს, ახალმოსახლეობა მიულოცეს და სიმბოლურად, მრავალშვილიან ოჯახს ბინის გასაღები გადასცეს.

ღონისძიებას ესწრებოდნენ: რეგიონული განვითარებისა და ინფრასტრუქტურის მინისტრი ირაკლი ქარსელაძე, იმერეთში სახელმწიფო რწმუნებული ზვიად შალამბერიძე, მთავრობის ადმინისტრაციის რეგიონებთან ურთიერთობის დეპარტამენტის უფროსი ლერი ბარნაბიშვილი, აფხაზეთის ავტონომიური რესპუბლიკის მთავრობის თავმჯდომარე რუსლან აბაშიძე და ადგილობრივი ხელისუფლების წარმომადგენლები.

ქუთაისში სამი 16 სართულიანი კორპუსის მშენებლობა დასრულდა, სადაც 480 დევნილ ოჯახს ბინები გაღივდა. უახლოეს პერიოდში, მიმდებარე ტერიტორიაზე კიდევ 320 ბინის მშენებლობა დასრულდება.

დევნილების ბინებით უზრუნველყოფის პროექტი მთელი საქართველოს მასშტაბით გრძელდება. მიმდინარეობს 720 ბინის მშენებლობის პროექტი, რომლის ფარგლებშიც სამი 12 სართულიანი კორპუსი აშენდება. მშენებლობა 2025 წლის ბოლომდე დასრულდება.

ბოლო 10 წლის განმავლობაში, ბინები გადაეცა და საცხოვრებელი დაუკანონდა 31 000 ოჯახს. ასევე გრძელდება სოფლად სახლების გადაცემის პროგრამა. მომდევნო 2-3 წლის განმავლობაში, დამატებით 13 000 ოჯახი მიიღებს საცხოვრებელს, საიდანაც 7 000 იქნება ბინა, 6 000 კი სოფლად სახლის პროგრამის ფარგლებში გადასაცემი სახლები.

ქუთაისში დევნილი ოჯახებისთვის თანამედროვე სტანდარტების შესაბამისი საცხოვრებელი კომპლექსი შერვაშიძის ქუჩაზე მოეწყო. კორპუსები რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა ააშენა.

17-18 ივნისს ქუთაისში „გემო ფესტ“ უკანასკნელა



ფესტივალს იმერეთში სახელმწიფო რწმუნებული ზვიად შალამბერიძე, ეკონომიკის მინისტრის მოადგილე გენადი არველაძე, საქართველოს ტურიზმის ეროვნული ადმინისტრაციის ხელმძღვანელი მაია ოშიაძე, ქუთაისის მაჟორიტარი დეპუტატი პარლამენტში ზაზა ლომინაძე, ქუთაისის მერი იოსებ ხახალეიშვილი და ადგილობრივი ხელისუფლების სხვა წარმომადგენლები ესწრებოდნენ. ფესტივალის ლოკაციაზე კვების სივრცე, გრილის ზონა, სამეწარმეო და ღვინის მარკეტი, მოსასვენებელი სივრცე და ფოტო ზონები მოეწყო. გარდა ამისა, ბავშვებისთვის სხვადასხვა სახის შემეცნებითი და გასართობი აქტივობები გაიმართა. ორივე საღამო კონცერტით დაგვირგვინდა.

„გემო ფესტის“ მიზანია რეგიონებში ადგილობრივი სამზარეულოს პოპულარიზაცია, მეწარმეების/ოჯახების ხელშეწყობა, შიდა და საერთაშორისო მოგზაურების ნაკადების ზრდა.

ფესტივალის პარტნიორები იყვნენ იმერეთის დანიშნულების ადგილის მართვის ორგანიზაცია და ქუთაისის საერთაშორისო აეროპორტი.

საქართველოს ტურიზმის ეროვნული ადმინისტრაციის ორგანიზებით, რიგით მე-სამე გასტრონომიული ფესტივალი იმერეთში გაიმართა. წელს იმერეთიდან „გემო ფესტში“ ქუთაისის, ვანის, წყალტუბოს, თერჯოლას, ზესტაფონის, ფერსვის, არგვეთასა და საზანოს 17 ობიექტი მონაწილეობდა.

ვანის არქეოლოგიური მუზეუმის მუზეუმის ფორუმის EMYA 2023 გამარჯვებულია

6 მაისს, ბარსელონაში, ევროპის 2023 წლის მუზეუმის კონკურსის (EMYA 2023) დაჯილდოების ცერემონიაზე, საქართველოს ეროვნული მუზეუმის ოთარ ლორთქიფანიძის სახელობის ვანის არქეოლოგიურ მუზეუმს სილეთოს პრიზი გადაეცა.

საქართველოს პრემიერ-მინისტრი ირაკლი ღარიბაშვილი მხარისა და ადგილობრივი ხელისუფლების წარმომადგენლებთან ერთად ვანის არქეოლოგიურ მუზეუმში იმყოფებოდა, სადაც სილეთოს ჯილდოს გადაცემის საზეიმო ცერემონიას დაესწრო და მუზეუმის თანამშრომლებს ევროპის მუზეუმების პრემიის EMYA2023 - გამარჯვებულის ტიტული პირადად მიულოცა.

მუზეუმმა საერთაშორისო აღიარება მოიპოვა როგორც გამორჩეულმა ცენტრმა, რომელსაც საზოგადოების საკეთილდღეოდ დადებითი ცვლილებების განხორციელების განსაკუთრებული პოტენციალი აქვს.



ოჯახს ჩანჩქერზე მოგზაურობა ღამით, 3D განათმეობის ფონზე უკვე შესაძლებელია

პირველად საქართველოს დაცულ ტერიტორიაზე, ოკაცეს ჩანჩქერზე მოგზაურობა ღამის საათებში იქნება შესაძლებელი. ეკომეგობრული, საერთაშორისო სტანდარტის შესაბამისი 3D განათმეობის სისტემა ზიანს არ აყენებს გარემოს და, ამავდროულად, მოგზაურობას კიდევ უფრო სანახაობრივს ხდის.



გარემოს დაცვისა და სოფლის მეურნეობის მინისტრმა ოთარ შამუგიამ და იმერეთში სახელმწიფო რწმუნებულმა ზვიად შალამბერიძემ ოკაცეს ჩანჩქერზე მოწყობილი ღამის 3D განათმეობის დაათვალიერეს.

აღნიშნულ ლოკაციაზე იმყოფებოდნენ ხონის მუნიციპალიტეტის მერი ლადო ჯურხაძე, ტურიზმის ეროვნული ადმინისტრაციის ხელმძღვანელი მაია ოშიაძე და დაცული ტერიტორიების სააგენტოს თავმჯდომარე დავით იოსებაშვილი.

საქართველოს მთავრობის მხარდაჭერით, გარემოს დაცვისა და სოფლის მეურნეობის სამინისტრო მუდმივად ზრუნავს დაცული ტერიტორიების განვითარებაზე.

ბაზე. მიმდინარე წელს, სახელმწიფოს ფინანსური მხარდაჭერით, სხვადასხვა დაცულ ტერიტორიაზე ეკოტურიზმის განვითარებისთვის 22.5 მილიონამდე ლარის ინვესტიცია განხორციელდება. მარტვილის კანიონსა და ოკაცეს ჩანჩქერზე 3D განათმეობის სისტემების დამონტაჟების საერთო ბიუჯეტმა 4 მილიონი ლარი შეადგინა. 3D განათმეობით გაფორმებული ოკაცეს ჩანჩქერის მონახულება 1 კვირის განმავლობაში სრულიად უფასო იყო.

სასწრაფო სამედიცინო დახმარების უწყობა სპეციალური დახმარების მანქანებით



ჯანდაცვის სამინისტროს საგანგებო სიტუაციების კოორდინაციისა და გადაუდებელი დახმარების ცენტრის ავტოპარკი 23 სპეცმანქანით განახლდა. მაღალი გამავლობის, ევროსტანდარტების შესაბამისი, ავტომობილები,

თანამედროვე სამედიცინო აპარატურითაა აღჭურვილი და რთულ რელიეფზე გადასადგილებლად არის განკუთვნილი.

სასწრაფო დახმარების 23 ახალი ავტომობილი ქვეყნის მასშტაბით, რეგიონებში (ტყიბულში, ვანში, ხარაგაულსა და ქიათურაში) გადანაწილდება.

ქუთაისის ჩაბაზი შენობის სახელობის სტადიონი UEFA-ს სტანდარტების შესაბამისად მოწყობა



საქართველოში UEFA-ს 21 წლამდე ნაკრებთა ევროპის საფეხბურთო ჩემპიონატს ღირსეულად ჩასატარებლად აშენდა და რეაბილიტაცია ჩატარდა 10 ინფრასტრუქტურულ ობიექტს. მათ შორის არის ქუთაისის რამაზ შენგელიას სახელობის სტადიონი და სანჯორთელ-სათაძარიგო სტადიონი წყალტუბოში.

სტადიონი აღჭურვილია UEFA-ს სტანდარტის ბალახის საფარით და შესაბამისი სარწყავ-სადრენაჟე სისტემით. ფაქტობრივად, თავიდან აშენდა ადმინისტრაციული შენობა, რომელიც სრულად აღჭურვილია სპორტული და აუცილებელი ინფრასტრუქტურით; მოწყობილია გაზონების, გათბობის, წყალმომარაგების, წყალარინებისა და უსაფრთხოების სისტემები. დამონტაჟდა სტადიონის სისტემა, გახმოვანებისა და უსაფრთხოების ახალი სისტემები, ახალი სკამები, ლედ სარეკლამო კედლები და სხვა. საქართველოში UEFA-ს 21 წლამდე ნაკრებთა ევროპის საფეხბურთო ჩემპიონატისთვის მზადების ფარგლებში, სტადიონზე შეიქმნა ისეთი სტანდარტის ინფრასტრუქტურა, რომელიც ხელს შეუწყობს ქართული ფეხბურთის განვითარებას და ახალგაზრდების სპორტით დაინტერეს-

სებას. სამუშაოების ღირებულება დაახლოებით 35 მილიონი ლარია.

ჩვენი ქვეყანა არის სრულად მზად, რომ ღირსეულად, უმაღლეს დონეზე ჩავატაროთ ეს ჩემპიონატი. რა თქმა უნდა, ეს ჩვენთვის იყო ძალიან დიდი გამოწვევა, ამავდროულად არის ძალიან დიდი პატივი, ვუმასპინძლოთ ამ მეთად მნიშვნელოვან ღონისძიებას. ჩვენ სულ რაღაც 1 წელიწადში, უფრო ნაკლებ დროში, ჩავუტარეთ რეაბილიტაცია 10 ობიექტს - ამის შესახებ საქართველოს პრემიერ-მინისტრმა ირაკლი ღარიბაშვილმა ქუთაისში, რამაზ შენგელიას სახელობის განახლებულ სტადიონზე განაცხადა. მთავრობის მეთაურის თქმით, ჯამში, 10 ობიექტის რეაბილიტაციისთვის 115 მლნ ლარი დაიხარჯა.

„მე ვიცი ძალიან მდიდარი ტრადიციების შესახებ, რომლებიც არსებობს ამ ქალაქში. ფეხბურთი ძალიან ბევრ რამეს ნიშნავს ჩვენთვის და განსაკუთრებით ქუთაისისთვის. ეს არის მხოლოდ დასაწყისი.“

სხვა მნიშვნელოვანი პროექტებიც მიმდინარეობს ქუთაისში. განახლებული რეგიონის ფარგლებში, რეაბილიტაცია ჩავუტარეთ ძალიან მნიშვნელოვან ობიექტებს, მაგრამ ახლა ჩვენ ვინყებთ კიდევ უფრო მასშტაბურ პროექტს - ჩვენი ისტორიული ქუთაისის ისტორიული უბნების რეაბილიტაციას. 200 მილიონი გვაქვს ჩასმული წელს. გვინდა, რომ 10 ქალაქში დავინწყოთ განახლების სამუშაოები. მიმდინარეობს პროექტზე მუშაობა და წელსვე დავიწყებთ სამუშაოებს.

ასე რომ, ჩვენ ეტაპობრივად ვუვლით ქალაქებს, ვალამაზებთ და გვინდა, რომ ჩვენი სახელმწიფო, ჩვენი ქვეყანა გარდავექმნათ რეალურად ევროპული ტიპის, თანამედროვე, მოვლილ, ლამაზ ქალაქებად, რაიონებად, სოფლებად. ეს არის ჩვენი საერთო მიზანი. რაც



მთავარია, რა თქმა უნდა, ეს ყველაფერი შეუძლებელი იქნებოდა, რომ არ ყოფილიყო მშვიდობა, მეგობრებო, დამეთანხმებით. მშვიდობა არის მთავარი. ჩვენ ვახერხებთ და შევინარჩუნეთ მშვიდობა, სტაბილურობაც, განვითარებაც გვაქვს, და ეს ყველაფერი, რაც შეეძლება, რა თქმა უნდა, არის მშვიდობის დამსახურება და ჩვენი სწორი პოლიტიკის დამსახურება” - განაცხადა პრემიერმა.

პრემიერ-მინისტრთან ერთად განახლებულ სტადიონზე იმყოფებოდნენ: საქართველოს რეგიონული განვითარებისა და ინფრასტრუქტურის მინისტრი ირაკლი ქარსელაძე, მთავრობის ადმინისტრაციის რეგიონებთან ურთიერთობის დეპარტამენტის უფროსი ლერი ბარნაბიშვილი, იმერეთში სახელმწიფო რწმუნებული ზვიად შალამბერიძე, ქუთაისის მერი იოსებ ხახალეიშვილი, ფეხბურთის ფედერაციისა და ადგილობრივი ხელისუფლების წარმომადგენლები.

უეფას 21-წლამდე ევროპის ჩემპიონატი საქართველო-სა და რუმინეთში, 21 ივნისიდან 8 ივლისის ჩათვლით, საქართველოს სამ ქალაქში, თბილისში, ქუთაისსა და ბათუმში გაიმართება.



ქუთაისში მკრძის რეკონსტრუქციის პირველი საფეხბურთო გარე გარემო გაიშალა

„შენგელიას არენას“ ახალ სტადიონზე 21 წლამდე ასაკის გუნდებს შორის ევროპის ჩემპიონატის პირველი მატჩი გაიმართა. ერთმანეთს ისრაელისა და გერმანიის გუნდები შეხვდნენ. მატჩი ფრედ, ანგარიშით 1:1 დასრულდა.

ქუთაისში ოლიმპიური სტანდარტის სასპორტო აუზი აშენდა



საქართველოს რეგიონული განვითარებისა და ინფრასტრუქტურის სამინისტროს მუნიციპალური განვითარების ფონდმა ქუთაისში ოლიმპიური საცურაო აუზის სამშენებლო სამუშაოები დაასრულა.

თანამედროვე, ოლიმპიური სტანდარტის საცურაო აუზის სიგრძე 50 მეტრი, ხოლო სიგანე 25 მეტრია. აუზის კომპლექსში მოეწყობა 600-მდე მაყურებელზე გათვლილი ტრიბუნა, მცირე საბავშვო აუზი, სავარჯი-

შის გარე ტერიტორიაზე მოეწყობა პარკინგი და გარე კაფე. ახალი აუზით სარგებლობას შეძლებენ როგორც მოყვარულები, ისე სპორტსმენები საწყლოსნო სპორტის სხვადასხვა სახეობაში. ოლიმპიური აუზი მოემსახურება ადგილობრივ და საერთაშორისო სპორტულ ღონისძიებებსაც.

აუზის ინფრასტრუქტურა ადაპტირებულია შეზღუდული შესაძლებლობების მქონე პირთათვის. ამჟამად, სრულდება საცურაო აუზის აღჭურვა და მიმდინარეობს მისი ტესტირების პროცესი. ქუთაისში ოლიმპიური აუზის მშენებლობა 2021 წლის აპრილში, აზიის განვითარების ბანკის (ADB) 13.6 მილიონი ლარის ფინანსური მხარდაჭერით, დაიწყო.

შო დარბაზები, გასახდლები სპორტსმენებისა და მსაჯებისათვის; ასევე, სივრცეები კვებისა და სპორტული ინვენტარის მალაზიებისათვის. ოლიმპიური აუზის შენობა აღჭურვილია თანამედროვე საინჟინრო ქსელებით, საფილტრაციო და სატუმბო სადგურებით, გათბობის, გაგრილების და სახანძრო სისტემებით. შესრულებული სამუშაოები საქართველოს რეგიონული განვითარებისა და ინფრასტრუქტურის მინისტრმა ირაკლი ქარსელაძემ, მხარისა და ადგილობრივი ხელისუფლების წარმომადგენლებთან ერთად დაათვალიერა.



განახლებული ოფისები



საქართველოს პრემიერ-მინისტრის მიერ ინიცირებული პროგრამის „განახლებული რეგიონების“ ფარგლებში, ქვეყნის ფაქტობრივად ყველა მუნიციპალიტეტში ინფრასტრუქტურული პროექტების განხორციელება აქტიურ ფაზაშია.

იმერეთის რეგიონში, პროგრამით დაფინანსებული რამდენიმე პროექტი ხორციელდება. ქალაქ ტყიბულში, „განახლებული რეგიონების“ პროგრამის ფარგლებში, დასრულდა გამსახურდიას ქუჩის რეაბილიტაციის პირველი და მეორე ეტაპის სამუშაოები და მიმდინარეობს მესამე ეტაპის სამუშაოები.

მესამე ეტაპის სამუშაოების შედეგად, რეაბილიტაცია უტარდება 3 შენობას, 1 სკვერს, მიმდებარე ტროტუარებს და ღობეებს. სამივე ეტაპის დასრულების შემდეგ, რეაბილიტირდება 42 შენობა, 1 სკვერი და მიმდებარე ტროტუარები. ასევე, მოხდება გაზონების გამწვანება და ღობეების მოწყობა.

„განახლებული რეგიონების“ 4-წლიანი პროგრამა საქართველოს 63 მუნიციპალიტეტს მოიცავს. პროგრამა რეგიონების ურბანულ განახლებას ითვალისწინებს, რაც სახელმწიფოს, მუნიციპალიტეტის და კერძო საკუთრებაში არსებული მნიშვნელოვანი ობიექტის განვითარებას გულისხმობს.

პროგრამის დასრულების შემდეგ, ქვეყნის რეგიონებში განახლება ცენტრალური ქუჩები, რეაბილიტირდება და მოეწყობა ახალი სკვერები და სხვა მუნიციპალური ინფრასტრუქტურა. ახალი პროექტების შედეგად განახლებული ურბანული მდებარეობები ადგილობრივ მოსახლეობას ახალ შესაძლებლობებს გაუჩენს.

